

四庫全書

史部

欽定四庫全書

皇朝文獻通考卷二百七十

輿地考二

直隸省

保定府在

京師西南三百五十里東西距二百七十里南北距
四百九十里東至河間府任邱縣界一百十里西
至定州曲陽縣界一百六十里南至冀州新河縣

界三百里北至順天府房山縣界一百九十里東
南至冀州治三百四十里西南至正定府晉州治
二百二十五里東北至順天府霸州治二百十里
西北至宣化府蔚州治一百里明保定府共領州
三縣十七

本朝初因之康熙八年以直隸巡撫自正定移駐於
此雍正二年改為直隸總督設布政使司按察使
司皆駐此為省會之地又以深澤縣改屬定州十

二年升易州為直隸州以涑水縣及山西之廣昌縣屬之凡領州二縣十五

清苑縣

附郭

滿城縣

在府西北四十里

安肅縣

在府北少東五十里

定興縣

在府北少東一百二十里

新城縣

在府東一百五十里

容城縣

在府東北九十里

雄縣

在府東北一百二十里

完縣

在府西七十里

唐縣

在府西少南一百二十里

望都縣

在府西南九十里舊慶都縣乾隆十一年改名望都

博野縣

在府南九十里

蠡縣

在府南少東九十里

祁州

在府南少西一百二十里

束鹿縣

在府南少西二百五十五里

安州

在府東少北六十里

高陽縣

在府東南六十里

新安縣

在府東少北八十二里

永平府在

京師東五百五十里東西距三百四十里南北距二

百二十里東至

盛京錦州府寧遠州界一百八十里西至遵化州界

一百六十里南至海岸一百六十里北至桃林口

邊牆六十里東南至海一百四十里西南至海一百八十五里東北至邊牆一百九十里西北至遵化州邊牆二百二十里明洪武初為平灤府四年改為永平府共領州一縣五

本朝初因之雍正三年增置臨榆縣以順天府屬之玉田豐潤二縣來屬乾隆八年以玉田豐潤往屬遵化州凡領州一縣六

盧龍縣

附郭

遷安縣

在府西北四十里

撫寧縣

在府東七十五里

昌黎縣

在府東南七十里

灤州

在府西南四十里

樂亭縣

在府南一百二十里

臨榆縣

在府東一百七十五里
明洪武初改建山海關十四年置山海衛
本朝雍正三年

改置臨榆縣

正定府在

京師西南六百里東西距四百六十五里南北距
三百七十里東至河間府景州界二百七十五里
西至山西平定州盂縣界一百九十里南至順德
府唐山縣界二百里北至保定府唐縣界一百七
十里東南至山東東昌府武城縣治三百四十里
西南至平定州樂平縣治二百五十里東北至保
定府祁州治二百里西北至山西代州五臺縣治
四百五十里明為真定府共領州五縣二十七

本朝初因之順治十六年省阜平縣康熙二十二年
復置雍正元年改名正定府二年升冀趙深定晉
五州為直隸州以南宮等十七縣分屬之十二年
以晉州及所屬無極藁城二縣與定州之新樂縣
並還屬府凡領州一縣十三

正定縣

附郭舊名真定 本朝初仍明
舊雍正元年改名正定為府治

獲鹿縣

在府西南
六十里

井陘縣

在府西南一
百三十里

平山縣

在府西北七十里

靈壽縣

在府西北五十里

行唐縣

在府北七十里

阜平縣

在府西北二百十里順治十六年省入曲陽行唐二縣康熙二十二年復置

樂城縣

在府南六十里

元氏縣

在府西南九十里

贊皇縣

在府西南一百二十里

晉州

在府東少南九十里初屬正定府雍正二年升為直隸州十二年還屬府

無極縣

在府東南六十里初屬正定府雍正二年分屬晉州十二年還屬府

藁城縣

在府東南六十里初屬正定府雍正二年分屬晉州十二年還屬府

新樂縣

在府東北九十里初屬正定府雍正二年分屬定州十二年還屬府

順德府在

京師西南一千里東西距二百八十里南北距一百

五十里東至廣平府威縣界一百二十里西至山

西遼州和順縣界一百六十里南至廣平府永年

縣界六十里北至趙州臨城縣界九十里東南至

永年縣界九十里西南至河南彰德府武安縣界
一百二十里東北至冀州新河縣界二百里西北
至正定府贊皇縣界一百五十里明順德府

本朝因之領縣九

邢臺縣

附郭

沙河縣

在府南三十里

南和縣

在府東南四十里

任縣

在府東北三十五里

平鄉縣

在府東
八十里

廣宗縣

在府東一
百二十里

鉅鹿縣

在府東北一
百二十里

唐山縣

在府東北
八十五里

內邱縣

在府北
六十里

廣平府在

京師西南九百五十里東西距一百七十里南北距
一百三十三里東至山東東昌府臨清州界一百

里西至河南彰德府武安縣界七十里南至彰德府臨彰縣界八十三里北至順德府南和縣界五十里東南至大名府治一百二十里西南至彰德府林縣治三百里東北至順德府廣宗縣治一百四十里西北至順德府治九十里明廣平府領縣九

本朝初因之雍正四年以河南彰德府之磁州來屬領州一縣九

永年縣

附郭

曲周縣

在府東北四十里

肥鄉縣

在府東南三十五里

廣平縣

在府東南六十里

成安縣

在府南六十里

邯鄲縣

在府西南五十里

雞澤縣

在府東北六十里

威縣

在府東北一百十里

清河縣

在府東北一百八十里

磁州

在府西南一百二十里初屬河南彰德府雍正四年改屬廣平府

大名府在

京師西南一千一百二十里東西距一百二十里南
北距三百四十里東至山東東昌府冠縣界四十
里西至河南彰德府臨彰縣界八十里南至河南
開封府儀封縣界二百九十里北至東昌府館陶
縣界五十里東南至山東曹州府定陶縣治三百

里西南至彰德府內黃縣治九十里東北至東昌府臨清州治一百五十里西北至廣平府成安縣八十里明大名府共領州一縣十

本朝初因之雍正三年以內黃縣改屬河南彰德府以濬滑二縣改屬河南衛輝府凡領州一縣七

元城縣

附郭

大名縣

在府南少東八里

魏縣

在府西北四十里

南樂縣

在府東南五十里

清豐縣

在府南九十里

開州

在府南一百二十里

東明縣

在府南二百二十里

長垣縣

在府西南二百五十里

臣等謹按古冀兗豫三州之界判自南河東河之間禹河自今河南濬縣西之大伾山即折而北行凡河內之地皆古冀州境自大伾而東南為今河

南之封邱縣至直隸之長垣東明二縣入山東之
荷澤縣曹縣界為古豫州境自大伾而東北為今
河南之內黃縣至直隸之開州清豐南樂二縣入
山東之濮州觀城縣界為古兗州境

河間府在

京師南四百十里東西距一百六十里南北距三百
四十五里東至天津府青縣界一百里西至保定
府蠡縣界六十里南至山東濟南府德州界二百

二十五里北至保定府雄縣界一百二十里東南
至天津府南皮縣治一百四十里西南至冀州治
二百三十里東北至順天府文安縣治一百三十
里西北至保定府安州治一百四十里明河間府
共領州二縣十六

本朝初因之順治六年省興濟縣雍正三年以靜海
青二縣改屬天津州七年升滄州為直隸州以南
皮鹽山慶雲東光四縣屬之九年俱屬天津府以

東光一縣還屬河間府凡領州一縣十

河間府

附郭

獻縣

在府南六十里

肅寧縣

在府西四十里

任邱縣

在府北七十里

交河縣

在府東南一百十里

阜城縣

在府南一百四十里

寧津縣

在府東南二百三十一里

景州

在府東南一百九十里

故城縣

在府南二百八十里

吳橋縣

在府東南二百四十里

東光縣

在府東南一百六十里初屬河間府雍正七年分屬滄州九年還屬府

天津府在

京師東南二百五十里東西距一百八十里南北距三百三十三里東至海一百里西至順天府霸州界八十里南至山東武定府樂陵縣界三百里北

至順天府武清縣界三十三里東南至武定府海
豐縣治三百三十三里西南至河間府東光縣治
三百十里東北至順天府寶坻縣治一百六十里
西北至武清縣治一百二十里明永樂初置天津
左右三衛其西南境之滄州及靜海諸縣則屬於
河間府

本朝初設關置總兵鎮守雍正三年改為直隸天津
州以河間府之靜海青二縣來屬九年升為府以

滄州及南皮等三縣來屬又增置天津縣凡領州

一縣六

天津縣

附郭明永樂二年築城置戌三年置天津衛及天津左衛治此四年又置天津右衛

本朝初因之雍正三年改衛為州九年升州為府以州地置天津縣為府治

靜海縣

在府西南七十五里舊靖海縣明洪武初改靖為靜本朝初屬河間府雍正三年

改屬天津州九年屬府

青縣

在府西南一百六十里初屬河間府順治六年以興濟縣省入雍正三年改屬天津州九

年屬府

滄州

在府南少西一百八十里初屬河間府雍正七年升為直隸州九年改屬天津府

南皮縣

在府西南二百五十里初屬河間府雍正七年分屬滄州九年改屬天津府

鹽山縣

在府南二百六十里初屬河間府雍正七年分屬滄州九年改屬天津府

慶雲縣

在府南少東三百二十里初屬河間府雍正七年分屬滄州九年改屬天津府

臣等謹按古冀州以西河與雍分界以南河與豫

分界以東河與兗分界自西河以東南河以北東

河以西皆冀州域也今自河南之滎澤縣以上禹

河未改自此而下故道久湮而冀兗二州之界難

以復考蓋河自禹功告成之後下迄元明凡五大變而暫決復塞者不與焉其一則周定王五年河徙自宿胥口東行漯川至長壽津與漯別行又東北至合口會漳水至章武縣入海即水經所稱大河故瀆者是也其二則王莽始建國三年河決魏郡泛清河平原濟南至千乘入海後漢永平中王景修之遂為大河經流而北瀆以空水經所稱河水者是也當禹河之初徙其合漳處謂之合口在

浮陽西今之滄州界自此而入海猶為禹河故道
再徙則河改從千乘口入海在今山東之利津縣
界而漳從章武專達於海於是大伾以東舊迹盡
亡矣其三則宋慶厯八年河決商胡分為二派北
流合永濟渠至乾寧軍入海東流合馬頰河至無
棣縣入海二流迭為開閉宋史河渠志所載是也
乾寧軍為今之青縣界無棣縣為今山東之海豐
縣界至元符時東流斷絕北流獨行是河入海處

尚在今天津界也其四則金明昌五年河決陽武隄灌封邱而東注梁山灤分為二派北流由北清河至利津入海南流由南清河合淮入海於是清滄之間河流遂絕其五則元至元中河徙出陽武縣南其後會通河成北派漸微及明弘治中築斷黃陵崗而北流盡塞遂以一淮受全河之水矣考史記河渠書謂禹導河至於大伾廝二渠以引河北載之高地二渠其一為漯川自黎陽大伾山南

東北流至千乘入海其一則河之經流自大伾山
西南折而北流至列入斥章縣界合漳水自此東
北入海今之肥鄉乃漢列入縣地今之曲周乃漢
斥章縣地為禹河北過洺水處後世河益徙而南
漳水遂專達於海故自列入斥章以下凡水經所
載漳水經行之地皆禹河故道也以今輿地言之
禹河自河南之滎澤縣北其北岸為獲嘉縣又東
流經原武延津縣北其北岸為新鄉縣汲縣皆與

豫分界又東北流經滑縣西北濬縣西南至大伾
山折而北曰宿胥口始為東河與兗分界自此而
東北歷湯陰安陽臨漳三縣入直隸境經大名府
之魏縣廣平府之成安肥鄉至曲周縣合漳水即
古洹水又東北經順德府之平鄉廣宗至鉅鹿縣
則大陸澤在焉又東北經冀州之南宮新河二縣
經本州境及衡水武邑二縣又東北經保定府之
東鹿縣深州及武強縣又東北經河間府之阜城

獻交河三縣天津府之滄州及青靜海天津三縣
皆禹時冀東瀕河之地自大陸以下播為九州其
經流謂之徒駭又同為逆河入海凡河所經行之
地其西北為古冀州境其東南為古兗州境

宣化府在

京師西北三百四十里東西距三百六十里南北距
二百七十五里東至邊牆二百十五里西至山西
大同府邊牆一百四十五里南至保定府涿水縣

界二百十里北至張家口邊牆六十五里東南至
順天府昌平州邊牆二百五十里西南至大同府
廣靈縣治三百四十里東北至獨石口邊牆三百
十里西北至邊牆一百六十里明洪武二十六年
置宣府左右前三衛隸北平都指揮使司永樂
七年直隸京師又置總兵鎮此稱宣府鎮宣德五
年置萬全都指揮使司領宣府等十四衛雲州等
七守禦所及各城堡三十有三其隆慶保安二州

則直隸京師

本朝初仍曰宣府鎮領宣府前衛及萬全左右龍門
懷來懷安開平永寧蔚州保安等十衛並以延慶
保安二州屬之康熙三十二年改置宣化府又以
各衛所增置宣化等縣並改山西之蔚州來屬凡
領州三縣七

宣化縣

附郭初為宣府鎮治康熙三十二年改置宣化府並置縣為府治

赤城縣

在府東北一百七十里明宣德五年置赤城堡本朝初屬宣府鎮曰上北路康熙

三十二年改置赤城縣屬宣化府

龍門縣

在府東少北一百十里明宣德六年置龍門衛本朝初屬宣府鎮曰下北路康熙

三十二年改置龍門縣屬宣化府

萬全縣

在府西北八十里明洪武二十六年置德勝堡永樂二年移萬全右衛治此本朝

初屬宣府鎮為西路康熙三十二年改置萬全縣屬宣化府

懷來縣

在府東南一百五十里明洪武初為懷來守禦千戶所永樂十六年改為懷來衛

本朝初屬宣府鎮為東路康熙三十三年復改為縣屬宣化府

懷安縣

在府西少南一百二十里明洪武二十六年置懷安衛本朝初屬宣府鎮康熙三

十二年復改為
縣屬宣化府

蔚州

在府西南二百三十里初屬山西大同府雍正六年改屬宣化府以蔚縣省入

西寧縣

在府西南二百里明天順四年築城曰順聖西城順聖東城本朝初領於蔚州衛

康熙三十二年改置

西寧縣屬宣化府

延慶州

在府東南二百里明永樂十一年置隆慶州直隸京師隆慶元年改為延慶州本

朝初屬宣府鎮為東路康熙三十二年屬宣化府

保安州

在府南少東六十里明永樂十三年置保安州直隸京師本朝初屬宣府鎮為東

路康熙三十二年屬宣化府

遵化州在

京師東北三百二十里東西距一百六十里南北距
二百二十八里東至永平府灤州界九十里西至
順天府薊州界七十里南至海二百十里北至羅
文峪邊牆十八里東南至永平府樂亭縣治二百
八十里西南至順天府寶坻縣治一百八十里東
北至喜峯口邊牆二十里西北至馬蘭峪邊牆六
十里本州境東西距一百二十里南北距六十八

里東界永平府遷安縣西界薊州南界豐潤縣北
界邊牆明遵化縣屬薊州

本朝初屬順天府康熙十五年以

陵寢所在升縣為州仍屬府乾隆八年升為直隸州以永

平府之玉田豐潤二縣來屬領縣二

玉田縣

在州西南六十里初屬順天府雍正三年改屬永平府乾隆八年分屬遵化州

豐潤縣

在州東南七十里初屬順天府雍正三年改屬永平府乾隆八年分屬遵化州

易州在

京師西南二百二十里東西距二百八十里南北距一百八十里東至順天府涿州界七十里西至山西大同府靈邱縣界二百十里南至保定府安肅縣界五十里北至順天府房山縣界一百三十里東南至保定府定興縣治五十五里西南至正定府阜平縣治三百八十里東北至順天府房山縣治一百四十里西北至宣化府蔚州治三百十里本州境東西距一百四十里南北距一百五十五

里東與北並界涑水縣西界廣昌縣南界安肅縣
明易州屬保定府

本朝初因之雍正十一年以

萬年吉地所在升為直隸州以涑水縣及山西之廣昌縣

來屬領縣二

涑水縣

在州東北四十里初屬保定府雍正十一年分屬易州

廣昌縣

在州西一百八十里初屬山西大同府雍正十一年改屬易州

冀州在

京師南六百三十三里東西距一百十里南北距一百五十里東至河間府故城縣界四十五里西至趙州寧晉縣界六十五里南至廣平府威縣界七十里北至深州安平縣界八十里東南至廣平府清河縣治一百四十里西南至順德府鉅鹿縣治八十里東北至河間府阜城縣治一百八里西北至保定府東鹿縣治七十五里本州境東西距六十里南北距七十里東界棗強縣西界新河縣南

界南宮縣北界衡水縣明洪武六年省州治信都縣入州屬正定府

本朝初因之雍正二年升為直隸州以南宮等縣來屬凡領縣五

南宮縣

在州西南六十里初屬正定府雍正二年分屬冀州

新河縣

在州西少南六十里初屬正定府雍正二年分屬冀州

棗強縣

在州東少南二十五里初屬正定府雍正二年分屬冀州

武邑縣

在州東北九十里初屬正定府雍正二年分屬冀州

衡水縣

在州東北四十里初屬正定府雍正二年分屬冀州

臣等謹案唐冀州治信都縣馬氏輿地考入之古冀州之域又仍通典之例以漢志所載絳水為界謂州治以西為冀域州治以東為兗域考漢地理志謂故漳河在信都縣北東入海禹貢絳水亦入海夫漳水即禹貢之絳水亦作章河一名降水又名絳水其實則一川也禹河既徙之後漳水循河故道而下即漢志所謂縣北故漳河是也其所謂

絳水者乃漳水一時之徙流酈道元謂之絳瀆其
後水復行北道而絳瀆遂空因謂之枯絳故水經
注叙漳水仍以北道為主今之冀州及諸縣並在
禹河故道之東於古皆當為兗州境

趙州在

京師西南七百四十里東西距一百五里南北距一
百二里東至冀州新河縣界八十里西至正定府
元氏縣界二十五里南至順德府唐山縣界八十

二里北至正定府藥城縣界二十里東南至順德府鉅鹿縣治一百八十五里西南至順德府內邱縣治一百七十里東北至正定府藁城縣治七十里西北至正定府元氏縣治四十三里本州境東西距四十里南北距五十里東界寧晉縣西界元氏縣南界栢鄉縣北界藥城縣明洪武初省州治平棘縣入州屬正定府

本朝初因之雍正二年升為直隸州以栢鄉等縣來

屬凡領縣五

栢鄉縣

在州南六十里初屬正定府雍正二年分屬趙州

隆平縣

在州南九十里初屬正定府雍正二年分屬趙州

高邑縣

在州西南五十里初屬正定府雍正二年分屬趙州

臨城縣

在州西南九十里初屬正定府雍正二年分屬趙州

寧晉縣

在州東南四十里初屬正定府雍正二年分屬趙州

深州在

京師西南六百十二里東西距一百二十三里南北

距一百十五里東至河間府交河縣界六十八里
西至保定府束鹿縣界五十五里南至冀州衡水
縣界五十里北至保定府蠡縣界六十五里東南
至冀州武邑縣治六十里西南至束鹿縣治六十
五里東北至河間府河間縣治一百六十里西北
至定州深澤縣治七十里本州境東西距九十三
里南北距九十里東界武強縣西界束鹿縣南界
衡水縣北界安平縣明永樂十年置深州屬正定

府

本朝初因之雍正二年升為直隸州以武強等縣來

屬凡領縣三

武強縣

在州東五十里初屬正定府雍正二年分屬深州

饒陽縣

在州東北六十里初屬正定府雍正二年分屬深州

安平縣

在州北五十里初屬正定府雍正二年分屬深州

定州在

京師西南五百里東西距一百三十里南北距九十

里東至保定府祁州界四十里西至正定府阜平縣界九十里南至正定府藁城縣界六十里北至保定府望都縣界三十里東南至保定府東鹿縣治一百二十里西南至正定府正定縣治一百四十里東北至望都縣治六十里西北至保定府唐縣治六十里本州境東西距七十里南北距六十里東界祁州西界曲陽縣南界新樂縣北界望都縣明定州屬正定府

本朝初因之雍正二年升為直隸州以深澤縣曲陽縣來屬領縣二

深澤縣

在州東南九十里初屬保定府雍正二年改屬定州

曲陽縣

在州西北六十里初屬正定府雍正二年分屬定州

承德府在古北口外東至土默特界西至獨石口

廳界南至順天永平二府邊牆北至木蘭圍場界

東南至喀喇沁界西南至獨石口廳界東北至翁

牛特界西北至多倫諾爾廳界自府至

京師四百二十里明初置興州五衛營州五衛及大
寧新城富峪會州四衛屬北平行都司治大寧永
樂元年以行都司僑治保定府故地遂廢天順以
後烏梁海居之此為朵顏衛地其東境兼為秦寧
衛地

本朝初俱內屬名曰熱河康熙四十二年建

行宮於此曰避暑山莊五十二年築熱河城雍正元
年置熱河同知廳十年置八溝同知廳十一年於

熱河建直隸承德州乾隆元年置四旗通判廳五年置塔子溝通判廳又設熱河道駐承德州七年罷州改置通判移治熱河西南之喀喇河屯三十九年置烏蘭哈達三座塔二通判廳四十三年升熱河廳為府以八溝四旗等廳為州縣屬之凡領州一縣五

灤平縣

在府西南四十里乾隆七年置喀喇河屯理事通判廳四十三年置縣

豐寧縣

在府西北二百五十里乾隆元年置四旗理事同知廳四十三年置縣

平泉州

在府東二百四十里雍正十年置理事同知廳乾隆四十年置

建昌縣

在府東南三百八十里乾隆五年置塔子溝理事同知廳四十年置縣

赤峯縣

在府東北三百里乾隆三十九年設烏蘭哈達通判廳四十年置縣

朝陽縣

在府東北三百七十里乾隆十七年設三座塔巡司屬塔子溝廳三十九年改巡司

為通判廳四
十三年置縣

口北三廳在宣化府獨石口張家口邊外東至熱

河廳界西至山西豐鎮廳界南至邊牆北至阿巴

噶阿巴哈納爾各蒙古界東南至喀喇河屯廳界

西南至萬全縣邊界東北至木蘭圍場界西北至
正黃旗察哈爾界明初置開平衛及興和守禦千
戶所其南境兼為全寧衛地東南境兼為興州五
衛地後俱廢為韃靼諸部駐牧地

本朝初俱內屬分置各牧廠於邊城外康熙十四年
復遷義州察哈爾部衆分駐宣化大同邊外其壩
內為農田壩外為各牧廠及察哈爾游牧地雍正
二年置張家口同知廳十年置多倫諾爾同知廳

十二年置獨石口同知廳共為廳三分治各地方
並直隸於口北道

多倫諾爾廳

在宣化府東北五百五十里獨石口邊牆外東北二百六十里明初為開

平府尋改開平衛永樂元年從衛治京師四年還舊治宣德五年移治獨石城故地遂廢本朝置上都牧廠康熙十四年遷察哈爾部衆分駐於此三十年喀爾喀為噶爾丹所破七旗皆潰抵塞來

降

聖

祖仁

皇帝親巡塞外駐蹕是地各蒙古部長畢至喀爾

喀土謝圖汗及澤卜尊丹巴胡土克圖等率各台吉朝見今與內扎薩克各旗同列雍正十年以多倫諾爾地方商民貿易日衆置理事同知廳管理察哈爾東翼正藍鑲白正白鑲黃四旗及附近各

蒙古內扎薩克與喀爾喀旗民交涉事務隸於口北道

獨石口廳

在宣化府東北二百五十里明為開平衛地後廢本朝康熙十四年遷察哈

爾部衆分駐於此雍正十二年以口外地畝開墾如廣生聚日繁置理事同知廳管理官地及察哈爾正藍鑲白正白鑲黃四旗蒙古民人交涉事務并延慶州及赤城龍門懷來等三縣旗民事務隸於口北道

張家口廳

在宣化府西北六十里明初為興和府尋降為興和守禦千戶所永樂時移治

宣府衛城故地遂廢本朝康熙十四年遷察哈爾部衆分駐於此雍正二年以口外地畝開墾加廣生聚日繁置理事同知廳管理官地及察哈爾鑲黃一旗正黃半旗蒙古民人交涉事務并口內

蔚州保安州及宣化萬全懷安西寧
蔚縣等五縣旗民事務隸於口北道

木蘭

臣等謹按木蘭者圍場之通稱也每歲仲秋之候
鹿始出聲而鳴效其聲以致之曰哨鹿

國語則謂之木蘭因以此為圍場之總名焉夫古者
蒐苗獮狩皆即田獵以講武事若周之漆沮甫草
漢之長楊廣成詞賦鋪張傳為盛事然祇近在畿
甸之間而已我

朝威武遠揚塞垣清晏自順治四年

世祖章皇帝駕出張家口外行獵八年復出獨石口外行
獵次上都河由古北口入塞外之行圍實昉於此
至

聖祖仁皇帝蕩平三逆偃革息兵處承平無事之時而不
忘武備故屢

巡塞外舉行校獵之典於是蒙古諸部獻其牧地規為圍
場

六御所經諸蕃鱗集所以整飭戎兵懷柔屬部者典禮所垂意至深遠

皇上敬承

祖制歲幸木蘭以順時肄武每當行圍大合

親御天弧凡內扎薩克及喀爾喀青海諸部之分班從獵者莫不瞻仰

天威歡欣震動於以纘行健之

家法而酬望幸之羣情蓋習勞訓武中即寓綏遠寧邊之

道又豈徒以禮重三田遵循故事而已哉

木蘭園場周一千三百餘里東西距三百餘里南
北距二百餘里東至喀喇沁右翼界西至正藍旗
察哈爾界南至熱河廳及四旗廳界北至巴林克
什克騰界東南至喀喇沁界西南至多倫諾爾廳
界東北至翁牛特界西北至克什克騰界漢遼西
右北平漁陽上谷四郡北境後漢為烏桓鮮卑地
後盡入於鮮卑晉時為慕容氏地後魏時屬庫莫

奚唐初為奚地後入于契丹遼為中京道及上京
道地金為北京路地元為大寧路及上都路地明
初入于烏梁海後屬韃靼諸部駐牧地為喀喇沁
翁牛特巴林克什克騰等部所有
本朝康熙年間各蒙古獻其牧地為

聖祖仁皇帝行圍講武之所今

皇上御極後亦歲舉秋獮之典於此周遭樹柵為界設
營房八八旗各一鑲黃旗在奇布楚溝正白旗在

納琳錫爾哈鑲白旗在什巴里台正藍旗在石片
子正黃旗在色里扎布正紅旗在扣壘托羅海鑲
紅旗在蘇木溝鑲藍旗在海拉蘇台設卡倫四十
鑲黃旗五曰賽堪達巴安色欽曰阿魯色勒曰阿
魯呼魯蘇台曰英額曰拜姓圖正白旗五曰巴倫
崑堆曰烏拉岱曰錫喇諾海曰納琳錫爾哈曰格
爾齊老鑲白旗五曰噶西雅圖曰卓索曰什巴里
台曰瑪尼圖曰博多克正藍旗五曰穆壘喀爾沁

曰古都爾呼曰察罕扎布曰汗特穆爾曰納喇蘇
圖扎布正黃旗五曰庫爾都托羅海曰納喇蘇圖
和碩曰沙爾當曰錫喇扎布曰錫喇扎布色欽正
紅旗五曰察罕布爾噶蘇台曰阿爾薩朗鄂博曰
瑪尼圖布魯克曰扎庫拉台曰布哈諾爾鑲紅旗
五曰海拉蘇台曰姜家營曰西燕子窩曰噶拜曰
和爾博爾吉鑲藍旗五曰珠爾噶岱曰蘇克蘇爾
台曰布克曰東燕子窩曰卓蘇溝以八旗官兵守

之統之以圍場總管凡圍場六十餘所每年車駕行獵或十餘圍或二十圍無定數

塔里雅圖

自東路伊遜哈必齊柵入圍場東北至此三十一里

永安莽喀

在塔里雅圖北五里

巴顏哈喇

在永安莽喀東北二十五里

威遜格爾

在巴顏哈喇北三十四里

溫都爾華

在威遜格爾東北五里

諤爾衮郭

在溫都爾華西十六里

巴顏布爾噶蘇台

在喀爾喀部東北十七里

巴顏溝

在巴顏布爾噶蘇台西北三十四里自塔里雅圖至此為東路圍場最北境自此折

而西行

岳樂

在巴顏溝北七里

珠爾

在岳樂西四十里

巴顏摩敦

在朱爾西十一里自巴顏溝至此為圍場最西北境自此折而南行

德爾吉

在巴顏摩敦東南三十四里

達顏德爾吉

在德爾吉東八里

必圖舍哩

在達顏德爾
吉南五里

阿濟格

在必圖舍里
西十二里

多們

在阿濟格
東南十里

額勒蘇錫納

在多們西
二十四里

鄂蘭蘇海圖

在額勒蘇錫
納西十里

庫爾都察罕

在鄂蘭蘇海圖
東北十一里

錫喇德布僧

在庫爾都察罕
西北十五里

諤爾哲圖察罕

在錫喇德布僧
北三十五里

永安拜色欽

在諤爾哲圖察罕西南二十五里

巴顏圖庫瑪

在永安拜色欽南二十里

鄂爾濟呼哈達

在巴顏圖庫瑪東南十里

永安拜

在鄂爾濟呼哈達南二十五里

英圖

在永安拜西六里

哈里雅拉

在英圖西十五里

哈喇瑪拉噶

在哈里雅拉西三里

齊老圖德爾吉色欽

在哈喇瑪拉噶北二十五里

明安阿巴圖

在齊老圖德爾吉色欽西北十八里

德勒格楞貴鄂博

在明安阿巴圖西十里

蒙克色欽

在德勒格楞貴鄂博南二十五里

巴顏托羅海

在蒙克色欽東南二十八里

布克

在巴顏托羅海南三十六里自德爾吉至此為西路圓場最南境自此而東二十五里至

布克柵
出圓場

墨爾根烏里雅蘇台

在巴顏溝東十三里

呼魯蘇台

在墨爾根烏里雅蘇台北十四里

巴爾圖

在呼魯蘇台西南十三里

色勒

在巴爾圖北八里

扎哈烏里雅蘇台

在色勒西二十四里

都呼岱

在扎哈烏里雅蘇台西稍南八里自墨爾根烏里雅蘇台至此為圍場東北界

哈達圖扎布

在阿濟格北十七里

圖們蘇海圖

在哈達圖扎布西六里

們都阿魯

在圖們蘇海圖西二里以上皆在阿濟格北境由們都阿魯西行接安巴赴

嶺其西南為庫爾都察罕圍場

坡賚

在永安莽喀
北二十七里

墨爾根精奇尼

在坡賚北
十三里

古爾班古爾班

在墨爾根精奇
尼西南十二里

森濟圖

在古爾班古爾班西北境由森濟圖西行踰齊爾

博庫嶺即永安莽喀場

汗特木爾

自汗特木爾柵入園
場東至此十八里

庫克哈達

在汗特木爾
東二十五里

愛里色欽

在庫克哈達
東十五里

哈喇楚古爾蘇

在愛里色欽北十三里

克呼

在哈喇楚古爾蘇北十七里

古爾班錫納

在克呼西十二里

察罕扎布

在古爾班錫納西北三里

錫喇諾海

在察罕扎布東二十六里

噶海圖

在錫喇諾海西北七里

布古圖

在噶海圖北十七里自汗穆穆爾至此為圓場東界由布古圖西行可達威遜格爾

場

布都哩

自瑪尼圖柵入園場北至此二十二里此園場在東西兩路之間由布都哩北行可

達永安
拜園場

珠爾噶岱

在巴顏托羅海
西四十二里

哈朗貴

在珠爾噶岱
北二十里

和賚郭爾

在哈朗貴
東北二里

叟吉

在和賚郭爾
北三十七里

崆郭爾鄂博

在叟吉北
十五里

阿魯布魯克

在崆郭爾鄂
博東三十里

巴顏莽喀

在阿魯布魯克北十三里

沙爾當

在巴顏莽喀北三十五里

圖爾根伊扎爾

在沙爾當東五十里自珠爾噶岱至此為圍場西界由圖爾根伊扎

爾北行踰錫喇扎布嶺循圍場北界紅柵東行至哈拉海嶺踰嶺東南行可達扎哈烏里雅蘇台圍場

臣等謹按木蘭之地山水環抱其嶺則曰拜布哈

達巴罕在巴顏哈喇圍場之北曰必老哈爾必齊

達巴罕在巴顏溝圍場之東南曰達顏達巴罕在

巴顏溝圍場之西南曰納瑪達巴罕在必圖舍哩
圍場之南曰齊老圖達巴罕在圍場西界其東南
為齊老圖德爾吉色欽圍場曰額墨勒達巴罕在
齊老圖達巴罕之東曰永安拜達巴罕在額墨勒
達巴罕之東其南為永安拜色欽圍場曰安巴赳
達巴罕在錫喇德布僧圍場之北曰布克達巴罕
在布克圍場之北曰旺沁達巴罕曰察罕達巴罕
曰齊爾博庫達巴罕在永安拜圍場之東曰塔什

庫達巴罕曰海喇罕賽堪達巴罕在圍場北界曰
烏呼勒濟達巴罕在珠爾圍場之西曰蒙克達巴
罕在圍場西界其東為蒙克色欽圍場曰哈勒錦
烏呼爾達巴罕曰汗特穆爾達巴罕在圍場東界
其下為汗特穆爾圍場曰允特穆爾達巴罕在汗
特穆爾達巴罕之南曰鴻和達巴罕在圍場東界
允特穆爾達巴罕之東其峯則曰沙岱哈達在多
們圍場之西曰烏蘭哈達在古爾班古爾班圍場

之東曰伊遜烏蘭哈達在伊遜河東近伊綿峪之
旁曰鄂爾楚克哈達在珠爾圍場之南曰和約爾
衮卜哈達在鄂爾濟呼哈達圍場之西北曰森濟
哈達在森濟圖圍場之東曰博里哈達在布都哩
圍場之南其山林之最深者則曰勒福倭濟在巴
顏摩敦圍場之西北其河則曰伊遜河即古索頭
水源出伊遜伊遜色欽南流會穆壘喀爾沁河布
敦河拜布哈河墨爾根精奇尼河達顏河阿濟格

赴河安巴赴河森濟圖河薩爾呼河凡行一百七十餘里至伊遜哈必齊柵出圍場界又南流至黃姑屯與伊瑪圖河合又東南至喀喇河屯廳界入大灤河曰伊瑪圖河有二源一出永安拜色欽南流為永安拜河一出齊老圖達巴罕東南流為齊老圖河至永安拜圍場南合為伊瑪圖河南流會齊爾博庫河明安阿巴圖河蒙克河巴顏托羅海河至瑪尼圖柵出圍場界又西南流至黃姑屯合

於伊遜河曰小灤河源出多果朗和賚西南流過
塔本托羅海南流會諤爾哲圖察罕河珠爾噶岱
河凡行一百五十餘里至海拉蘇台柵出圍場界
又南流至郭家屯入大灤河曰圖爾根伊扎爾河
出圖爾根伊扎爾西流會穆呼爾伊扎爾河凡行
百餘里至扣壑托羅海柵出圍場界至大河口入
大灤河曰烏拉岱河有三源一為敦達烏拉岱一
為準烏拉岱一為巴倫烏拉岱合為烏拉岱河東

流會噶海圖河凡行六十里至烏拉岱柵出圍場
界合於錫爾哈河曰英額河源出摩多圖其上流
名諾呼岱河東流為英格河會色勒河都呼岱河
已顏摩敦河朱爾河墨爾根烏里雅蘇台河凡行
百餘里至英額柵出圍場界又東南流合於錫爾
哈河其積水海子則曰布哈諾爾在塔本托羅海
之北曰沙喇諾爾在勒福倭濟中蓋地勢雄奧林
茂草豐瑞獸名禽充羽蕃育洵為天設之靈囿焉

[illegible]

皇朝文獻通考卷二百七十

欽定四庫全書

史部

皇朝文獻通考卷二百七十一至

四

中書_臣張經田覆勘

總校官檢討_臣何思鈞

欽定四庫全書

皇朝文獻通考卷一百七十一

輿地考 三

盛京

臣等謹按古帝王膺錄受圖天人協應必有王氣
特鍾之地締造鴻基而後四海宅心大統茂集故
居岐百堵致美於周詩過沛三侯流徽於漢史創
業艱難發祥有自固非偶然也今之

盛京為古青州之域居東方生物之位實符帝出乎
震之義其水土深厚長白拱其東醫無閭控其西
滄溟襟其前混同江黑龍江絡其後山海環抱為
天下形勢之首蓋自開闢以來天作地藏以待首
出之

聖人我

太祖高皇帝誕膺

天眷撫有東土天命十年以瀋陽形勝之地遂定都焉

太宗文皇帝底定全遼東至使大使鹿之部罔不服屬
世祖章皇帝統御寰宇定鼎

京師尊

盛京為留都設文武大員駐守其地

聖祖仁皇帝孝思維則崇奉

山陵

大駕三巡

躬修展謁又以平定羅刹闢地至黑龍江以北大興安嶺

之外

世宗憲皇帝善繼善述添設州縣增易駐防

聖謨洋洋經畫盡善我

皇上丕顯丕承義昭繩

武自乾隆八年暨十九年再謁

園寢

賜酺賜復恩澤便蕃賦有

陪京之製舞成

世德之辭

奎縉宸章益光

前烈蓋自承平累葉以來聲教之隆文明之盛逾沙漠而

被東瀛

留都四境幅員萬里民物殷富風俗淳和瞻

陵廟之巍峩仰

宮廷之肅穆龍蟠鳳翥佳氣鬱蔥

國家億萬年景祚鴻庥皆基於此矣

盛京明洪武四年置定遼都衛八年改為遼東都指揮使司以領各衛盡罷所屬州縣改元之遼陽路地置定遼中左右前後五衛及東寧海州蓋州復州金州五衛改元之瀋陽路地置瀋陽中左右中屯四衛及鐵嶺衛改元之開元路地置三萬遼海二衛改元之廣寧路地置廣寧中左右前後五衛改元之大寧路地置廣寧中屯左右屯前屯後屯五衛及義州寧遠二衛永樂中復置安樂自在

二州其迤東北混同江左右之境置努爾干都司
領外衛一百八十四外所二十皆因其部族授為
都督都指揮千百戶鎮撫等職俾統其屬以時朝
貢不在封域之內其後各相繼淪廢我

朝發祥長白自

遠祖定三姓之亂居俄漠惠之野鄂多理城在今寧古塔
西南三百餘里

國號滿洲是為滿洲國開基之始逮

肇祖光復舊業始居呼蘭哈達山下之赫圖阿拉地方締

造

興京肇基王迹傳至

興祖

景祖

顯祖積功累仁基緒益大至

太祖高皇帝創業鴻圖奄有哈達輝發烏拉葉赫及寧古

塔諸地天命三年城界藩五年遷薩爾呼六年取

瀋陽遼陽七年建

東京於遼陽十年自

東京遷都瀋陽

太宗文皇帝天聰五年營造

宮闕號為

盛京於是全遼之地悉歸撫定

世祖章皇帝統御六合入關定鼎以

盛京為留都順治元年悉裁諸衛設八旗駐防官兵

以內大臣副都統領之三年改內大臣為按班章
京給鎮守總管官印十年以遼陽為府置遼陽海
城二縣又於寧古塔設按班章京副都統領守之
十四年罷遼陽府始於

盛京置奉天府設府尹康熙元年改奉天按班章京
為鎮守遼東等處將軍寧古塔按班章京為鎮守
寧古塔等處將軍三年設廣寧府領廣寧縣錦縣
寧遠州四年改鎮守遼東等處將軍為鎮守奉天

等處將軍又罷廣寧府置錦州府移治錦縣仍隸奉天府尹是年奉天府又增置承德蓋平開原鐵嶺四縣改遼陽縣為州十年於吉林烏拉設副都統十五年移寧古塔將軍駐吉林烏拉留副都統鎮守寧古塔二十二年於黑龍江設將軍副都統二十九年移黑龍江將軍駐墨爾根三十年於伯都訥設副都統三十二年移黑龍江副都統亦駐墨爾根三十八年黑龍江將軍副都統皆自墨爾

根城移駐齊齊哈爾四十九年於墨爾根設副都
統雍正三年於阿爾楚喀設副都統四年於吉林
烏拉置永吉州寧古塔置泰寧縣伯都訥置長寧
縣俱隸奉天府五年設熊岳錦州二副都統七年
罷泰寧縣又於三姓設副都統八年於黑龍江城
設副都統十年設九關臺門同知駐義州管理邊
外土默特教漢等部蒙古民人交涉事務十二年
於故復州衛地置復州故金州衛地置寧海縣又

於錦州府增至義州乾隆元年罷長寧縣九年於
阿爾楚喀設副都統十二年罷永吉州十三年裁
九關臺門同知以所管旂務改屬熱河之塔子溝
廳二十七年又於拉林設副都統其全境自遼河
左右則奉天將軍統之其東則吉林將軍統之其
北則黑龍江將軍統之而副都統復分鎮於將軍
所轄之地其餘各城各邊門又有城守尉防守尉
等員分駐焉至編戶之民則隸於州縣而以府統

之共設府二其錦州一府仍屬於奉天府尹東西
距五千一百餘里南北距六千八百三十餘里東
至海四千三百餘里西至山海關接直隸永平府
界八百餘里南至海七百三十餘里北至黑龍江
外大興安嶺接俄羅斯界五千一百餘里東南至
希喀塔山濱海界二千九百餘里西南至海八百
餘里東北至赫哲費雅哈濱海界四千餘里西北
至蒙古土默特奈曼各部界六百九十餘里自

盛京至

京師一千四百七十餘里

興京在

盛京東南二百七十里東西距二百五十五里南北
距二百九十里東至吉林界三十五里西至奉天
府承德縣界一百九十里南至鳳凰城界一百八
十里北至奉天府開原縣界一百十里東南至吉
林界十五里西南至鳳凰城界一百六十餘里東

北至吉林界一百五十里西北至開原縣界一百三十里自

興京至

京師一千七百四十餘里明初置建州衛後廢

本朝為

四祖及

太祖高皇帝發祥之地天聰七年設城守尉駐此乾隆二

十八年增設理事通判廳凡駐防旗務以城守尉

治之仍統於奉天將軍凡旂民交涉事務以通判治之仍統於奉天府尹

奉天府東西距一百八十里南北距九百九十餘里
東至撫順城界八十里西至錦州府廣寧縣界一
百里南至海七百三十餘里北至開原縣發庫邊
門接內扎薩克蒙古界二百六十餘里東南至鳳凰
城界一百八十餘里西南至錦州府廣寧縣界三
百里東北至威遠堡邊門接伯都訥界二百三十

餘里西北至廣寧縣界一百里明洪武中置遼東都指揮使司治遼陽以領諸衛此為瀋陽中衛又兼為定遼中左右前後及東寧海州蓋州復州金州鐵嶺三萬遼海十三衛並安樂自在二州地

本朝天命十年

太祖高皇帝自遼陽遷都於此天聰五年尊為

盛京順治元年以為留都設按班章京鎮守十四年設奉天府置府尹康熙元年以後改按班章京為

將軍又增置各州縣以奉天府尹領州二縣六其
錦州府各州縣亦兼轄焉自奉天將軍以下又分
設副都統協領佐領等員凡滿洲蒙古漢軍八旗
事務則統之於奉天將軍凡民人事務則統之於

奉天府尹

承德縣

附郭明洪武中置瀋陽中衛屬遼東都指揮使司本朝建為盛京順治十四年

置奉天府康熙三年
置承德縣為府治

遼陽州

在府南一百二十里明洪武四年置定遼
都衛八年改遼東都指揮使司置定遼左

右前後四衛東寧衛及中左右前後等千戶所並
為都司治後又徙置自在州於城內本朝天命
七年築東京城於遼陽城東五里九年遷都之
十年由遼陽遷都瀋陽順治初設東京遼陽城
守尉駐此十年置遼陽府領遼陽海城二縣十四
年罷府為遼陽縣康熙四年升為遼陽州凡駐防
旗務以城守尉治之統於奉天將軍凡
民人事務以知州治之統於奉天府尹

開原縣

在府東北二百里明洪武中置三萬衛後
又徙置遼海衛於此並屬遼東都指揮使

司永樂中於城內置安樂自在二州後徙自在州
於遼陽城內本朝康熙二十一年設開原城守
尉駐此康熙三年置開原縣凡駐防旗務以城守
尉治之統於奉天將軍凡民人事務以知縣治之
統於奉
天府尹

鐵嶺縣

在府北一百三十里明洪武二十一年於鐵嶺城置衛二十六年徙置鐵嶺衛於此

領中左右三千戶所屬遼東都指揮使司本朝康熙三年置鐵嶺縣二十九年設鐵嶺防禦駐此

凡駐防旗務以防禦治之屬於開原城守尉仍統於奉天將軍凡民人事務以知縣治之統於奉天

尹府

海城縣

在府南二百四十里明洪武中置海州衛屬遼東都指揮使司本朝順治十年改

置海城縣遼陽府十四年改屬奉天府

蓋平縣

在府南三百六十里明洪武中置蓋州衛屬遼東都指揮使司本朝天聰七年設

蓋州防禦駐此康熙三年置蓋平縣凡駐防旗務以防禦治之隸於熊岳副都統仍統於奉天將軍

凡民人事務以知縣治之統於奉天府尹

復州 遼東都指揮使司 本朝洪武中置復州衛屬

復州 城守尉駐此雍正五年設復州通判轄復金

二州之地十二年改為州凡駐防旗務以城守尉治之隸於熊岳副都統仍統於奉天將軍

凡民人事務以知州治之統於奉天府尹

寧海縣 在府南七百二十里明洪武中置金州衛領中左千戶所屬遼東都指揮使司 本

朝康熙二十年設金州城守尉駐此雍正五年屬復州通判所轄十二年置寧海縣凡駐防旗務以城守尉治之隸於熊岳副都統仍統於奉天將軍凡民人事務以知縣治之統於奉天府尹

錦州府在

盛京西南四百九十里東西距五百三十里南北距一百八十里東至奉天府遼陽州界二百四十里西至山海關接直隸永平府界二百九十里南至海四十里北至九關臺清河等邊門接內扎薩克蒙古界一百四十里東南至奉天府海城縣界三百五十里西南至山海關界三百里東北至奉天府開原縣界三百八十里西北至明水堂邊門一百六十里自府治至

京師一千里明洪武初置廣寧中屯左屯右屯前屯
後屯五衛與廣寧衛及廣寧中左右三衛寧遠義
州二衛並屬遼東都指揮使司

本朝康熙三年改置廣寧府治廣寧縣四年罷廣寧
府改置錦州府移治錦縣領州二縣二雍正五年
設錦州副都統駐此又分設城守尉佐領等員凡
駐防旗務屬於錦州副都統仍統於奉天將軍凡
民人事務屬於錦州知府仍統於奉天府尹

錦縣

附郭明洪武二十四年置廣寧中屯左屯二衛其城東南境又置右屯衛並屬遼東都

指揮使司

本朝康熙元年改置錦縣屬奉天府三年改屬廣寧府四年置錦州府以縣為府治

寧遠州

在府西南一百十里明初為廣寧前屯中屯二衛地宣德三年分二衛地置寧遠衛

屬遼東都指揮使司

本朝康熙二年改置

寧遠州三年屬廣寧府四年改屬錦州府

廣寧縣

在府東一百六十里明洪武二十三年置廣寧衛二十五年封建遼王改廣寧中護

衛明年復改廣寧衛又置中左右三衛並屬遼東

都指揮使司本朝順治四年設廣寧協領駐此

康熙三年置廣寧府並置廣寧縣為府治四年罷府以縣屬錦州府凡駐防旗務以協領治之統於

奉天將軍凡民人事務以知縣治之屬於錦州知府

義州

在府北九十里明洪武中置義州衛屬遼東都指揮使司本朝初以其地賜察哈爾康

熙十四年察哈爾叛討平之遷其部衆於宣化大同邊外十五年與義州設巡檢司屬廣寧縣十九年設義州城守衛駐此六十年移錦州府通判臨治雍正十年改屬九關臺邊門同知管轄十二年升為義州屬錦州府凡駐防旗務以城守尉治之隸於錦州副都統仍統於奉天將軍凡民人事務以知州治之屬於錦州知府

臣等謹按

盛京為留守重地凡形勝扼要所在並設八旗駐防自將軍而下有副都統城守尉防守尉等官各有

分治之地今奉天錦州二府全境皆奉天將軍統轄地也其各駐防之與州縣同城者已兼載入二府之內其有專城駐守地不屬於州縣者謹編次於左

鳳凰城

在奉天府東南四百二十餘里明初為鳳凰城堡設兵戍守後廢

註官兵於通遠堡崇德三年移駐於此設城守尉及佐領防禦驍騎校等員管理駐防旂務雍正年間定旗民交涉事務分屬熊岳通判管理

牛莊城

在奉天府海城縣西四十里明為海州衛地置牛莊驛於此

本朝天命六年設防

禦駐此管理
駐防旗務

臣等謹按以上屬奉天將軍統轄其

興京城駐防已載奉天府之前

東京遼陽城及開原城駐防已見奉天府廣寧城駐
防已見錦州府不復載

熊岳城

在奉天府蓋平縣城南六十里明為蓋州衛地本朝初設城守尉及佐領防禦驍

駙校等員駐此雍正五年移置副都統鎮守後又增設理事通判聽凡駐防旗務以城守尉治之隸於副都統仍統於奉天將軍凡旗民交涉事務以通判治之統於奉天府尹

秀巖城

在蓋平縣東二百五十里明為蓋州衛地
本朝康熙二十六年設城守尉及佐領

防禦驍騎校等員駐此雍正年間定
旂民交涉事務分屬熊岳通判管理

旅順城

在奉天府寧海縣南一百二十里明為金
州衛地置中左千戶所後廢本朝康熙

二十年設水師營協領及佐領防禦
驍騎校等員駐此管理駐防旗務

臣等謹按以上屬熊岳副都統分轄其復州城金

州城蓋州城駐防已見奉天府又有義州城駐防

別屬錦州副都統分轄已見錦州府不復載

撫順城

在興京西北一百九十里明為瀋陽衛
地置撫順千戶所後廢本朝康熙二十

九年設防禦駐此管駐防旗務屬
興京城守尉仍統於奉天將軍

巨流河城

在錦州府廣寧縣東北二百三十里
本朝康熙二十九年設佐領於此管理

駐防旗務屬廣寧協
領仍統於奉天將軍

白旗城

在廣寧縣東一百六十里
本朝康熙二十九年設佐領於此管理駐防旗務屬廣

寧協領仍統
於奉天將軍

小黑山城

在廣寧縣東六十里
本朝康熙二十九年設佐領於此管理駐防旗務屬廣

寧協領仍統
於奉天將軍

閭陽驛城

在廣寧縣西南五十里
本朝康熙二十九年設佐領於此管理駐防旗務屬

廣寧協領仍統
於奉天將軍

小凌河城

在錦縣東南二十里
九年設佐領於此管理
駐防旗務屬錦

州副都統仍統
於奉天將軍

中後所城

在寧遠州西南八十里
四年設佐領於此管理
駐防旗務屬錦

州副都統仍統
於奉天將軍

中前所城

在寧遠州西南一百六十五里
康熙二十九年設佐領於此管理
駐防

旗務屬錦州副都統仍統於奉天將軍又
寧遠州亦設佐領駐防與州同治不複載

法庫邊門

在奉天府開原縣西北一百里
康熙元年設防禦駐此管理
駐防旗務

屬奉天
將軍

威遠堡邊門

在開原縣東北三十里 本朝初設防禦駐此管理駐防旗務屬六邊門

總管仍統於
奉天將軍

英額邊門

在開原縣東南二百十里 本朝初設防禦駐此管理駐防旗務屬六邊門總

管仍統於
奉天將軍

興京邊門

在興京東南三十里 本朝初設防禦駐此管理駐防旗務屬六邊門總管仍統

於奉天
將軍

鹹廠邊門

在興京南一百四十里 本朝初設防禦駐此管理駐防旗務屬六邊門總

管仍統於
奉天將軍

愛呼邊門

在鳳凰城北一百二十里 本朝初設
防禦駐此管理駐防旗務屬六邊門總

管仍統於
奉天將軍

鳳凰城邊門

在鳳凰城西南十里 本朝初屬鳳
凰城守尉雍正元年增設防禦駐此

屬六邊門總管仍
統於奉天將軍

松嶺邊門

在錦縣西北二十里 本朝康熙十七
年設防禦駐此管理駐防旗務屬錦州

副都統仍統
於奉天將軍

新臺邊門

在寧遠州西北七十里 本朝順治十
一年設防禦管理駐防旗務舊在州西

北四十里康熙三十六年移駐於此
屬錦州副都統仍統於奉天將軍

梨樹溝邊門

在寧遠州西北一百里本朝雍正
十八年設防禦管理駐防旗務舊在

州西北七十里之碾盤溝邊門三十六年移
駐於此屬錦州副都統仍統於奉天將軍

白石嘴邊門

在寧遠州西一百二十里本朝康熙
十八年設防禦管理駐防旗務舊

在高臺堡二十五年移於州西北一百里之寬邦
邊門三十六年又移駐於此屬錦州副都統仍統

於奉天
將軍

明水塘邊門

在寧遠州西北一百六十里本朝
康熙十八年設防禦駐此管理駐防

旗務屬錦州副都統
仍統於奉天將軍

彰武臺邊門

在廣寧縣北一百七十里 本朝康熙二十六年設防禦駐此管理駐防

旗務屬廣寧協領
仍統於奉天將軍

白土廠邊門

在錦州府義州東北一百三十里 本朝康熙十五年設防禦駐此管理

駐防旗務屬義州城守尉
仍統於奉天將軍

清河邊門

在義州東北五十五里 本朝康熙十五年設防禦駐此管理駐防旗務屬義

州城守尉仍統
於奉天將軍

九關臺邊門

在義州西北三十里 本朝康熙十五年設防禦駐此管理駐防旗務屬

義州城守尉仍
統於奉天將軍

臣等謹按禹貢海岱惟青州孔傳以為東北據海西南距岱正義惟青州之境非止海畔故曰據也舜時又置營州鄭康成謂舜以青州越海分置營州是堯時遼東本屬青也杜佑作通典遵用舊說謂青州從岱山東歷密州東北經海曲萊州越海分遼東樂浪三韓之地西抵遼水馬氏通考亦因之以今與地言之從大遼水為界遼水東之奉天府為古青州境遼水西之錦州府為古冀州境

吉林將軍駐吉林烏拉城在

盛京東北八百二十餘里東西距四千餘里南北距一千九百餘里東至海三千五百餘里西至威遠堡邊門接奉天將軍地界五百九十五里南至長白山外接朝鮮界一千三百餘里北至松花江接黑龍江將軍地及內扎薩克蒙古界六百餘里東南至希喀塔山濱海界二千三百餘里西南至英額邊門接奉天將軍地界七百餘里東北至赫哲費

雅哈濱海界三千餘里西北至赫爾蘇邊門接內
扎薩克蒙古界四百五十餘里自本城至

京師二千三百里明初置毛憐兀者等外衛共八十
有四置努兒干都司領之後俱廢

本朝初自長白山迤東濱海諸部地近

興京最先歸附我

太祖高皇帝

太宗文皇帝恩威並用順者以德服逆者以兵臨於是鴨

綠江混同江左右全境以次撫定至

世祖章皇帝定鼎

京師之後於順治十年設按班章京及副都統鎮守
寧古塔康熙元年改按班章京為將軍十二年始
建吉林烏拉城十五年將軍自寧古塔城移鎮於
此雍正五年於吉林城之西境增設永吉州隸奉
天府尹乾隆十二年罷州改設理事同知廳亦駐
吉林城屬將軍管轄自將軍以下分設副都統協

領佐領防領驍騎校等官管理滿洲蒙古漢軍錫伯巴爾虎等旗戶並屬將軍統轄凡副都統分駐之地五協領佐領分駐之地四防禦分駐之地四亦統於吉林將軍

寧古塔城

在吉林烏拉城東南六百三十五里其舊城在今城西北五十里本朝順治

十年設按班章京及副都統駐此康熙元年改為鎮守寧古塔等處將軍康熙五年始於呼爾哈河北岸移建今城五十年以將軍移駐吉林烏拉城留副都統鎮守於此雍正五年於境內增設泰寧縣隸奉天府尹七年罷縣以舊縣城屬吉林理事同知廳管轄乾隆二十一年俱改屬寧古塔副都

統自副都統以下為協領佐領
防禦驍騎校等員管理各旗戶

臣等謹按自寧古塔東七百餘里外沿松花江大
烏拉江直至入海處兩岸為赫哲費雅哈部所居
其俗不知耕種以捕漁為生其來往行獵並皆以
犬即所謂使犬部也俗亦謂之魚皮部考陶宗儀
輟耕錄稱征東行省每歲委官至努兒干須用站
車每車以四狗挽之悉諳人性元志稱其俗有狗
車木馬輕捷之便狗車形如船以數十狗曳之往

來通運又舊志稱乞列迷有四種捕魚為食著直筒衣暑用魚皮寒用狗皮不識五穀六畜自

太祖高皇帝天命元年即招服使犬路嗣後全部內附以其土產貂皮等物就寧古塔副都統處輸納歲以為例其有赴

京師上貢者以兵護送之其散處最遠不能以時到寧古塔者若烏拉江口居住之庫頁等五百餘戶則每歲遣章京等員赴寧古塔境外三千餘里之

普祿鄉等地方令其以六月會集若烏蘇里江居
住之搠喀爾班吉爾漢等戶則間歲遣章京等員
赴寧古塔東南境外三千餘里之尼曼河地方令
其以五月會集各交納貂皮給與賞賚自寧古塔
水程至其所居盡處四千五百餘里各設姓長鄉
長分戶管轄蓋與編戶無異云

伯都訥城

在吉林烏拉城西北四百八十里本
朝康熙三十二年以舊城改建設副都

統鎮守雍正五年於境內增設長寧縣隸奉天府
尹乾隆元年罷縣改州同十二年裁州同以舊縣

地屬吉林理事同知廳管轄二十六年俱改屬伯都訥副都統自副都統以下為協領佐領防禦驍騎

校等員管
理各旗戶

三姓城

在吉林烏拉城東北一千九十里本朝康熙五十四年建三姓城始置駐防兵以

協領等官領之雍正十年增設副都統鎮守自副都統以下為協領佐領防禦驍騎校等員管理各

旗戶

阿爾楚喀城

在吉林烏拉城東北六百里本朝雍正四年始置駐防兵以協領兼副

都統銜領之七年改建阿爾楚喀城乾隆九年增設副都統鎮守自副都統以下為協領佐領防禦

驍騎校等員
管理各旗戶

拉林

在吉林烏拉城東北三百六十里本阿爾楚喀副都統所轄地乾隆二十一年以移駐旗

戶日衆增設副都統一員分爲左右兩翼嗣後以移駐之戶陸續編爲二十四屯二十七年以拉林

副都統與阿爾楚喀副都統分設二處自副都統以下爲協領佐領防禦驍騎校等員管理各旗戶

琿春

在寧古塔城東南六百餘里其南與朝鮮接界自琿春河左右皆庫雅拉人等所居亦名

庫爾哈康熙五十三年設協領及佐領防禦驍騎校等員管理各戶屬隸於寧古塔副都統仍統於

奉天
將軍

打牲烏拉城

在吉林烏拉城北七十里本朝初編設佐領康熙四十二年於舊城東

改建新城雍正五年設總管駐此自總管以下爲協領佐領防禦驍騎校管員管理各戶屬

伊通河

在吉林烏拉城西北九十里 本朝雍正六年設佐領及防禦驍騎校等員於此管

理各旗戶

額木赫索囉

在吉林烏拉城東南三百四十五里 本朝乾隆三年設佐領及防禦驍

騎校等員於此管理各旗戶

巴延鄂佛囉邊門

在吉林烏拉城北二百十里 本朝設防禦驍騎校此屬吉林將軍

伊通邊門

在吉林烏拉城西北一百九十里 本朝設防禦驍駐此屬吉林將軍

赫爾蘇邊門

在吉林烏拉城西北四百六十里 本朝設防禦驍駐此屬吉林將軍

布爾圖庫蘇巴爾罕邊門

在吉林烏拉城西北五百六十八里 本朝設

防禦駐此屬
吉林將軍

黑龍江將軍駐齊齊哈爾城在

盛京東北一千八百餘里東西距三千一百餘里南
北距三千八百餘里東至畢占河接吉林將軍地
界二千三百餘里西至喀爾喀河接喀爾喀車臣
汗部界八百餘里南至松花江接吉林將軍地界
五百餘里北至外興安嶺接俄羅斯界三千三百
餘里東南至葉里伯赫河接吉林將軍地界二千

三百餘里西南至雅爾河接內扎薩克科爾沁扎
賚特各蒙古界一百二十餘里東北至外興安嶺
接吉林將軍所轄之哈達烏拉河界三千六百餘
里西北至額爾古訥河接俄羅斯界二千餘里自
本城至

京師三千三百餘里明永樂初有黑龍江地面凡五
十八並入朝貢羈縻於努兒干都司後俱廢

本朝

太祖高皇帝天命年間黑龍江人次第歸附有索倫達呼爾二部居東北境之額爾古訥河及精奇尼江之旁與俄羅斯接壤並服屬於

太宗文皇帝繼因俄羅斯之衆曰羅刹竊據雅克薩之地築城居之侵擾索倫達呼爾崇德四年移其部衆駐諾尼江後羅刹復來侵擾康熙二十二年始設將軍副都統鎮守初駐黑龍江城東北十里之愛呼城於二十五年發兵進剿羅刹克其城俄羅斯

遣使謝罪二十八年遣大臣於格爾必齊河旁立石為界自尼布楚地以東皆歸版圖於是索倫達呼爾諸部仍居舊地二十九年以後移黑龍江將軍及副都統駐墨爾根城三十年始建齊齊哈爾城取諾尼江北之齊齊哈爾莊為名三十八年將軍始自墨爾根城移鎮於此自將軍以下分設副都統協領佐領防禦驍騎校等員管理滿洲漢軍巴爾虎索倫達呼爾等旗戶並屬將軍統轄凡副

都統分駐之地二城守尉分駐之地一總管分駐之地二亦統於黑龍江將軍

墨爾根城

在齊齊哈爾城北少東四百二十五里嫩江南岸本朝康熙二十五年建城

二十九年移黑龍江將軍駐此三十二年並移黑龍江副都統駐此三十八年始移駐齊齊哈爾城四十九年復於此設副都統鎮守自副都統以下為協領佐領防禦驍騎校等員管理滿洲漢軍索倫達呼爾等旗戶

黑龍江城

在齊齊哈爾城東北八百五十里黑龍江西岸本朝康熙二十三年建城初設

城守尉駐此雍正八年改設副都統鎮守自副都統以下為協領佐領防禦驍騎校等員管理滿洲

漢軍索倫達

呼爾等旗戶

呼蘭河

在齊齊哈爾城東南八百十七里本朝雍正十年設副總管及佐領驍騎校等員

乾隆初年增設城守尉初駐齊齊哈爾城北二百七十餘里之博爾多地方後移駐於此管理各旗

戶

呼倫貝爾

在齊齊哈爾城西少北七百六十里本朝雍正十年設統領駐此乾隆八年

改為總管兼副都統銜又有巴爾虎索倫二部正副總管佐領驍騎校及投誠分隸之厄魯特部總

管佐領護軍校驍騎校等員管理各戶屬

打牲總管地方

在齊齊哈爾城北三百四十里本朝自康熙雍正年間先後設各

總管初駐齊齊哈爾西北一百六十里之布特哈地方後移駐於此自滿洲掌闕防正副總管之外又有索倫達呼爾正副總管佐領驍騎校及使馬鄂倫春使鹿鄂倫春佐領驍騎校等員管理打牲

屬戶

臣等謹按索倫達呼爾為東北最遠之部散處山林以捕貂為業亦稱土中人自

國初天命天聰年間即相率內附其後列於軍伍多以材勇自効至於鄂倫春一名奇勒爾其所居益為遼遠使馬鄂倫春在諸部之外使鹿鄂倫春又

在使馬之外距齊齊哈爾城復千有餘里考舊志
謂可木地野人以樺皮為屋行則馱載止則張架
以養馬射獵為生又稱乞列迷去努兒干三千餘
里一種曰北山野人乘鹿出入蓋其僻在窮荒習
俗殊異自古以為化外之邦今且審戶比丁編為
佐領儼與八旗世僕相等焉又豈特以豐貂之產
歲時獻納為媿美於禹貢之島夷皮服哉

又按黑龍江四徼分設喀路其防如邊門然自齊

齊哈爾邊境歷墨爾根城黑龍江城及呼倫貝爾
凡設卡路六十四曰特木德克曰溫圖琿曰多爾
曰塔爾哈曰古魯曰烏拉諾爾曰茂興曰四家子
曰阿拉克沁曰邦塔拉曰拉哈鄂佛羅曰溫德亨
曰蘇克沁蘇蘇曰諾穆歡巴顏和洛曰甘河之善
郭克達曰伊拉喀曰喀末尼喀曰博爾多曰拉哈
曰寧年曰塔哈爾曰綏楞額山曰喀末尼峰曰黑
龍江口凡二所曰烏魯素木丹曰精奇尼江曰科

洛爾曰喀爾塔爾錫曰庫穆爾曰額頁爾曰牛曼
河曰遜河口曰訥穆勒河源曰庫爾都里河曰特
力墨爾津河曰特爾格河曰沖古和洛曰墨理格
爾口哈吉口曰伊勒該圖和洛曰西拉鄂蘇蘇和
洛曰薩爾濟圖山曰開蘭鴻溫曰蘭鴻溫都哩額
勒蘇曰烏蘭剛噶曰布拉克圖泉曰摩垓圖泉曰
托洛海圖泉曰哈卜齊垓圖曰阿拉爾圖曰濟喇
曰布克爾曰和羅海圖曰哈沙圖曰音沁曰阿嚕

布拉克曰墨敦哈沙圖曰扎穆呼都克曰布裕爾
布龍得爾蘇曰烏爾遜河烏蘭剛噶曰克布都克
曰西林呼都克曰諾穆罕布都哩曰呼拉得烏木
克布拉克各設官兵守之重尙保障金湯萬禩矣

皇朝文獻通考卷二百七十一